

8 BURELA ZEMLA



Ovo je zvijezda u znaku zemlje, zemlje koja rađa i produžava život. Osobe rođene u znaku ove zvijezde nastavljaju započete poslove i poduhvate svojih roditelja. Oni imaju sreće u provođenju već zamišljenog i zato lako preuzimaju započete poslove drugih. Obično ih mnogo više od njihovih vršnjaka cijene ljudi stariji po rang i godinama od njih. Imaju dar da dobiveni novac i stvari umnožavaju i povećavaju. To su postojane osobe koje mogu mnogo da trpe. Napreduju postepeno i skloni su želji za postizanjem savršenstva. Ponekada je njihov karakter suviše izražen, pa mogu da se sukobe sa ljudima iz svoje okoline. Oni sami mrze slatkorječivost i zbog toga ponekad imaju ne prilike jer otvoreno izražavaju svoja mišljenja. Često su tvrdoglavi i egoisti, ali su nezamjenjivi kao suradnici u velikim poduhvatima. Dobri su i pažljivi prema ljudima sa kojima surađuju. Ovi ljudi imaju snagu feniksa i često, čak i kad se čini da su potpuno propali, mogu lako da se ponovo uzdignu iz pepela do najviših visina. Vitalni su i imaju sposobnost popravljjanja vlastite sudbine. Njihov vrhunac je u doba zrelosti, a u mladosti ne mogu mnogo da postignu, ma da ulažu velike napore. Vješti su u rukovanju novcem, ali bi trebali da se čuvaju pohlepe i škrtosti.

